

տէգնէր ոսկիի թաղամասերում: Գործարանների սեռական գործողութիւնը հարիւր հազար երեքտրական լամպարներով լուսաւորուած յայտարարութիւնների առջեւ:

Ու վարագոյրը իջեցրած վաղուան խա-տուհանների առջեւ:

\* \* \*

Եւ ահա Արեւելքը:

Ի՞նչ է արեւելեան մտայնութիւնը: Իրողութեան մէջ, նա բազմատեսակ է եւ բազմադիմի: Եւ աւելացնենք, թէ քանի՜ անդամներ, Լօտիի եւ Փառերի նման զբաղէտները իրենց միջակ եւ բեկբեկ զգացողութիւններով, աժան աֆրոնի երազանքով այլանդակել են այն, ինչ որ սովոր են անուանել Արեւելք: Փոքրիկ, փայլուն առարկաների եւ կեղծ բօմանտիզմի շուկայ: Անիրինի վառվառն գոյներ՝ պարսկական խայիների ընդօրինակութիւնների վրայ: Սեռային վատթարումից առաջ եկած տաճկասիրութիւն, ողբեկան սկիւբօզ: Մի խօսքով՝ Լօտին:

Դրա մօտ՝ պատկերները պատկերների վրայ են դիզում:

Լայնատարած եւ անծայր տափաստաններ, ուր ուռճազարդ բուսականութիւնը կառչում է երկնքի կայսրտին: Մեծ, մեռած տերեւի դոյնով, բազում թոքերով տարածութիւններ՝ ձիւնով կամ դալար անտառներով ծածկուած: Միակերպ, անծայրածիր դաշտեր՝ աչքերի համար եզակի զբօսանք: Դաշտ՝ աւելի հաստ, քան ովկիանոսի յատակը, աւելի խոր, քան կոհակների խաղը եւ հոսանքների շարժումը: Ամէն ինչ ձեղ կլանում է, ոչնչացնում ցանկութիւնը, անհետացնում գոռոզութիւնը, ճնշում կամքը: Դաշտանկարը զբոհ է տալիս անհատի վրայ, ներս է խուժում ուժգին թափով, մեղմացնում զգացողութիւնը, ենթարկում նրան անծայրին եւ մօտեցնում Միութեան:

Արեւմուտքում, երկրի Ֆիզիքական կեղեւի ներդաշնակ ծալքերը, դալար բլուրներով, շարժուն դաշտերի մէջ վազող գետերով, պարտէզներով զարդարուած, շոյում են երեւակայութիւնը, վերաստեղծում են եւ սրում զգացողութիւնը:

Այստեղ, ամէն ինչ ընթանում է դէպի անշարժութիւն:

Ասիայի հեռաւորութիւնների մէջ գործունէութեան թափը թուլանում է, իմացականութիւնը քօղարկում, միտքը ազատազրոււմ է նիւթական աշխարհից, ծալում, կենտրոնանում եւ իջնում անհատի խորքը: Մարդը ամուսնանում է միջակութեան հետ: Նրա հոգին սաւառնում է անուրջի եւ երազի թատրոնի առջեւ, ուր տեսիլքները անցնում են բնագալեան կրակով վատուած երկնքի վրայից:

Անապատը ճնշում է եւրոպացիին: Արեւելքին ոչինչ չի նկատում եւ իր վերացական անհատականութեան մէջ նա կառուցում է աննիւթական տեսիլքներ, որոնք երբակի կեանք են ստեղծում: Նրա անշարժութիւնը լեցուն է ներքին եւ ուժգին գործողութիւնով, եւ ինչպէս, ժամանակին, Միջերկրական աւազանի յոյնը, նա ամբողջովին տարուած է մտաւոր հայեցողականութիւնով: Վերացական մտայնութիւնը կաղկղում է ուղեղը, կենտրոնացրում միտքը եւ հեռացնում նիւթական տպաւորութիւնները: Ամէն ինչ մղում է մարդս դէպի անհունը: Ամենօրեայ, անվերջ յոյգերը դռները փակում են անհատի առջեւ, անկարելի դարձնում գործունեայ մարդուն՝ դադար փար իսկ կազմել նրա մասին, ապրել նրա հետ, առաջ բերել հոգեկան որոշ բովանդակութիւն: Այնտեղ, անշարժ, գրեթէ քարացած մարդը ժամերով սպասում է, որպէսզի կարողանայ բարձրանալ տեսիլքների վեհափառութեան, բանալ հոգեկան հարստութիւնների դանձը, կենտրոնացնել միտքը եւ ուժ գնել՝ երկարօրէն վայելելու համար անհունի աշխարհը:

Մանկութեան հասակից նա գիտէ, որ բանականութիւնը իր տրամաբանական կառուցուածքներով թերի գործիք է: Բանականութիւնը ոչ միայն չի նպաստում նրա ձգտումին միանալ բացարձակին, այլ արգելք է հանդիսանում: Նա ընտրում է ուրիշ միջոցներ եւ ոչնչացնում այն բաժանումը, որ գոյութիւն ունի նրա եւ բնութեան միջեւ, նրա եւ իրերի միջեւ: Նա ձուլում է գերազոյն միութեան հետ, ուր անհատական պատրանքները ոչնչանում են, ուր ստեղծում է նոր, ազատ, ամբողջա-